



Broj: 01/14-02-112/24-1  
Sarajevo, 23.01.2024.g.

Primljeno:	24-01-2024		
Org. jed.	BF01	Priloga	Vrijednost

## PREDSTAVNIČKI DOM PARLAMENTA FEDERACIJE BiH

Dana 23.01.2024. godine održana je 15. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

### DNEVNI RED

1. Prijedlog Budžeta Federacije Bosne i Hercegovine za 2024. godinu,
2. Prijedlog Zakona o izvršenju Budžeta Federacije BiH za 2024. godinu,
3. Prijedlog Odluke o davanju saglasnosti na finansijski plan ZZOR FBiH za 2024. godinu i Odluka o načinu izvršavanja,
4. Prijedlog Odluke o davanju saglasnosti na Finansijski plan Federalnog zavoda za zapošljavanje za 2024. godinu i procjenu plana za 2025. i 2026. godinu i Odluku o izvršavanju Finansijskog plana Federalnog zavoda za zapošljavanje za 2024. godinu,
5. Mišljenje o Nacrtu odluke o određivanju dodatnih krajnjih kupaca od posebnog društvenog značaja, dostavljen od Saveza općina i gradova Federacije Bosne i Hercegovine,
6. Zaključci Odbora za ekonomsku i finansijsku politiku u vezi rada Komisije za vrijednosne papire Federacije BiH,
7. Inicijativa za izvorno autentično – tumačenje zakonskih odredbi.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:



## IZVJEŠTAJ

### Ad-1.

Uvodno izlaganje dao je predstavnik Federalnog ministarstva finansija nakon čega je Odbor obavio diskusiju, te sa 6 glasova ZA, 1 PROTIV i 1 SUZDRŽAN glas donio sljedeći

### Zaključak

Odbor za ekonomsku i finansijsku politiku Predstavničkog doma Parlamenta Federacije BiH podržava Prijedlog Budžeta Federacije Bosne i Hercegovine za 2024. godinu i predlaže da ide u daljnju parlamentarnu proceduru.

Također, Odbor je većinom prisutnih glasova ZA podržao i dodatna dva zaključka:

1. Odbor poziva Vladu Federacije BiH i Federalno ministarstvo finansija da ubuduće poštuje budžetski kalendar i dostavlja ove dokumente u zakonski predviđenom roku.
2. Odbor predlaže Vladi Federacije BiH da pristupi Izmjeni Zakona o pripadnosti javnih prihoda na način da Zakonom definiše da se 200 miliona KM procentualno raspoređuje kantonima kako bi se postigla pravednija i transparentnija raspodjela.

### Ad-2.

Nakon uvodnog izlaganja predstavnika Federalnog ministarstva finansija, Odbor je obavio diskusiju i pristupio glasanju, te sa 6 glasova ZA i 2 glasa PROTIV, donio sljedeći

### Zaključak

Odbor za ekonomsku i finansijsku politiku Predstavničkog doma Parlamenta Federacije podržava Prijedlog Zakona o izvršenju Budžeta Federacije BiH za 2024. godinu i predlaže da ide u daljnju parlamentarnu proceduru.

### Ad-3.



Uvodno izlaganje dala je direktorica Federalnog Zavoda za zdravstveno osiguranje i reosiguranje nakon čega je Odbor obavio diskusiju i jednoglasno zauzeo stav da će se o ovoj tački dnevnog reda izjasniti naknadno čim bude i zvanično dostavljena u parlamentarnu proceduru na razmatranje.

#### **Ad-4.**

Uvodno izlaganje dala je direktorica Federalnog Zavoda za zapošljavanje, nakon čega je Odbor jednoglasno donio sljedeći

### **Zaključak**

Odbor za ekonomsku i finansijsku politiku Predstavničkog doma Parlamenta Federacije BiH podržava i daje saglasnost na Prijedlog Odluke o davanju saglasnosti na Finansijski plan Federalnog zavoda za zapošljavanje za 2024. godinu i procjenu plana za 2025. i 2026. godinu i Odluku o izvršavanju Finansijskog plana Federalnog zavoda za zapošljavanje za 2024. godinu.

#### **Ad-5.**

Odbor je razmotrio Mišljenje o Nacrtu odluke o određivanju dodatnih krajnjih kupaca od posebnog društvenog značaja, dostavljen od Saveza općina i gradova Federacije Bosne i Hercegovine i jednoglasno donio sljedeće

### **Zaključke**

1. Odbor zahtjeva od FERK-u da prilikom donošenja Nacrta Odluke o određivanju dodatnih krajnjih kupaca od posebnog društvenog značaja uvrsti i jedinice lokalne samouprave i sva javna preduzeća koja pružaju osnovne komunalne usluge u Federaciji BiH kao krajnje kupce od posebnog društvenog značaja.
2. Odbor traži od Vlade Federacije BiH da čim prije pristupi izmjenama Zakona o električnoj energiji i da prepozna i uvrsti općine i gradove i javna preduzeća koja pružaju osnovne komunalne usluge u Federaciji BiH kao krajnje kupce od posebnog društvenog značaja.

#### **Ad-6.**



Predsjednik Odbora je upoznao prisutne članove Odbora sa ovom tačkom dnevnog reda u vezi Komisije za vrijednosne papire FBiH i predložio zaključke koji su jednoglasno podržani i to:

- 1. Predstavnički dom Parlamenta FBiH poziva Vladu FBiH i nadležna Federalna ministarstva da u što skorijem roku pristupe izmjeni seta zakona koji regulišu tržište vrijednosnih papira i rad Komisije za vrijednosne papire.**
- 2. Predstavnički dom traži od nadležnih organa da se istraga oko pokušaja ubistva člana Komisije za vrijednosne papire okonča i da se zaštite ljudski životi.**
- 3. Predstavnički dom Parlamenta Federacije BiH prihvata prijedlog članova Komisije za vrijednosne papire FBiH da se u Parlamentu Federacije BiH organizuje Tematska sjednica o temi: „Stanje tržišta kapitala u Federaciji BiH“.**
- 4. Zadužuje se Vlada Federacije BiH da u saradnji sa Komisijom za vrijednosne papire i Agencijom za bankarstvo Federacije BiH pripremi Nacrt izmjena i dopuna Zakona o tržištu vrijednosnih papira Federacije BiH „Službene novine Federacije BiH“ br. 85/2008., 109/2012., 86/2015. i 25/2017., sa ciljem uređenja i regulisanja oblasti trgovine kriptovalutama odnosno virtuelnim valutama u Federaciji BiH.**
- 5. Odbor će tražiti od rukovodstva Predstavničkog doma Parlamenta Federacije BiH da ove zaključke uvrsti kao tačku dnevnog reda na 9. redovnoj sjednici Predstavničkog doma koja je zakazana na dan 24.01.2024. godine.**

**Ad-7.**

Predsjednik Odbora je upoznao članove Odbora sa dostavljenom Inicijativom za davanje izvornog autentičnog tumačenja člana 1. Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, a koju je u parlamentarnu proceduru uputio gosp. Darko Čondrić, gradonačelnik grada Livno.



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES

---

Također, Odbor je zaprimio i razmotrio Izjašnjenje Vlade Federacije BiH u vezi ove Inicijative i na kraju zauzeo stav da Odbor podržava Mišljenje Vlade Federacije BiH da je navedena odredba člana 1. Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, a čije se izvorno tumačenje traži, potpuno precizna i jasna, te nema potrebe za davanjem izvornog tumačenja.

Za izvjestioca Odbora određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA

  
Admir Čavalić